

## Script of Evening Gojri News Bulletin 05 July 2026 at 1700 Hrs

ايوننگ گوجري نيوز بليٽن مو رخه 05 جو لائي 2026

### Headlines

يوه آکا شواني جمون هے عبدالمجيدتئين خبر سٺو پهلاں خاص خبر۔

\*1- ليفٽنٽ گورنر منوج سنهه نه شري امرناٽه جي ياترا باره انتظامات جو جائزو لين غا مقصد نال پهلاگام مانهه ننوان بنيا دي كيمپ جو دور لايو هے ۔

\*2- پهلا 2 ٽيههڙاں مانهه 32 هزار تين متا يا تريان نه امرناٽه گُف مانهه شولنگ غا درشن كيا ۔

\*3- ادهم پور هوائي اڏا غي مركزي عمارت واسطه ٿينٿر كا روائي جو نقشه كار بنا ليو گيو هے ته اس جو تعميري كم اگست مانهه شروع هون جو امكن هے ۔

\*4- بدهيا قسم غي چيري ته آلا بخاراں غي پهلي كهپپ جمون كشمير تين متحده عرب امارات ٿوري گئي هے ۔

\*5- ته اج جمون كشمير پهري مانهه كئي جگهين گرج چمك غه نال درميانه درجه غي بارش جو امكن هے ۔

-----  
خبراں غي تفصيل نال پهلاں محمد امين انجم ۔

### LG Nunwan

ليفٽنٽ گورنر منوج سنهه نه اج پهلاگام مانهه ننوان بنيا دي كيمپ جو دورو لايو۔ دوره غو مقصد سينئر عهديداراں نال شري امرناٽه جي ياترا باره انتظامات جو جائزو لينوتهو۔ اس موقع ور جن كليدي پهلاں ور تبادلہ خيال مرکوز رهبو ان مانهه يا تريان غي نقل و حرکت سلامتي تدبير، رها نئي سهوليات، اندراجي كا روائي تين بغير كسه پریشاني تين پوتر يا ترا باره دوجا لازمي انتظامات شامل هين ۔ موصوف نه عهديداراں نانہه هدايت كي جه وين تمام يا تريان غي حفاظت ته سلامتي اور آرام نانہه ترجيح ديں۔ دوره غه دوران انہاں نه يا تريان نال گل كي ته انہاں نه محفوظ هموار ته بغير كسه پریشاني تين روحاني سفر غي يقين دهاني كرائي، بعد مانهه اخباري نمائنداں نال گل كرتاں وان ليفٽنٽ گورنر نه كهيو۔ بانٿ۔۔

### SANJY Darshan

اس بهري شري امرناٽه جي غي سالانه ياترا غي اڪ حوصله افزا شروعات ديکهي گئي، ته پهلا 2 ٽيههڙاں مانهه 32 هزار 3 سو 13 يا تريان نه پوتر امرناٽه مانهه شولنگ غا درشن كيا هين، جس تين يا تريان غي گنتري مانهه نماياں باهده غي عكاسي وه۔ آكاشواني

جموں غا نمائندہ نے رپورٹ ٹوری بے جے یا ترا غے دوجے تیہاڑے 20 ہزار 1 سو 45 یا تریاں نے درشن کیا۔ دوجا تیہاڑا غا یا تریاں مانہہ 14 ہزار 6 سو 11 مرد، 4 ہزار 4 سو 80 کالسرین، 3 سو 79 بچہ، 142 سادھو، 35 سادھویں، 17 تیجی جنس غا افراد تے 4 سو 81 حفاظتی جوان شامل تھا۔ اسے دوران امرناتھ یا تریاں نے یا ترا مکمل کرن تیں بعد اپنا تجربات سانجھا کرتاں واں اس راہ کہیو۔ بائٹ۔

### SDRF Response Camp

امرناتھ جی یا ترا 2026 غا یا تریاں غی حفاظت تے سلامتی یقینی بنان غی خاطر جموں کشمیر غی ایس ڈی آر ایف نے جموں سرینگر قومی شاہراہ ور پریم مندر چینی غے نزدیک روزانہ 24 گھنٹہ کم کرن آلو اک ہنگامی صورتحال رد عمل کیمپ قائم کیو ہے۔ یوہ کیمپ یا ترا غا رستہ ور کسے حادثہ طبی ہنگامی صورتحال زمین کھسکن یاہ قدرتی آفت غی صورتحال مانہہ فوری طور ور مدد مہیا کراوے گو۔ بچاؤ غا سلسلہ مانہہ یوہ کیمپ جدید سازو سامان نال لیس رکھیو گیو ہے۔ اس ضمن مانہہ ہور متی جانکا ری دے رہیا ہیں۔ ایس ڈی آر ایف غا اک افسر نے کہیو۔ بائٹ۔

### Udhampur Airport

ہوائی اڈا غی مرکزی عمارت واسطے ٹینڈر سنگ اُدھم پور ہوائی اڈا نے اک ہور نمایاں سنگ میل حاصل کیو۔ اس سلسلہ مانہہ جانکا ری مرکزی وزیر ڈاکٹر جتندر سنگھ نے دتی ہے۔ سوشل میڈیا ور تازہ جانکا ری سانجھی کرتاں واں ڈاکٹر سنگھ نے کہیو جے مرکزی عمارت پروجیکٹ واسطے تکنیکی بولیں کھلن واسطے 10 جو لائی 2026 غو نقشہ اوقات ہے، جد کہ مالی بولیں 22 جو لائی 2026 نانہہ گھلن غو امکان ہے۔ انہاں نے مزید جانکا ری دتی جے مرکزی عمارت غی تعمیر واسطے ٹھیکو اگست غا دوجا ہفتہ غے دوران دتا جان غی امید ہے۔

مزید خبراں نال عبدالمجید ور اُس تیں پھلاں توی سنیو۔

### Cherries Exported

ذراعت تے ڈبا بند کھانا نانہہ برآمد کرن غی ترقی بارے اتھارٹی نے جموں کشمیر تیں متحدہ عرب امارات نانہہ خاص قسم غی بدھیچیری تے آلو بخاراں غی پہلی برآمدی کھیپ غی سہولت فراہم کی جھیڑی جموں کشمیر غا باغبانی غا شعبہ واسطے اک اہم سنگ میل ہے۔ اس سلسلہ مانہہ شوپیاں تے پلوامہ ضلعان غا کساناں غی تیار کردہ ان پھلاں غی اک میٹرک ٹن افتتاحی کھیپ نانہہ عملی طور ور امپیڈا غا چئیر مین ابھیشیک دیو نے ابو ظہبی تے دبئی واسطے جھنڈی دس غے روانہ کیو۔ صنعت و تجارت وزارت نے باریں نے یوہ اعلان کیو جس مانہہ بہترین معیار غا بھارتی پھلاں غی بدھتی بین القوامی مانگ نانہہ اُجاگر کیو گیو ہے۔

### Announcement

آکاشوانی جموں غا علاقائی خبراں غا شعبہ غی طرفوں پہاڑی زبان واسطے عارضی نیوز ریڈر کم مَترجم (این آر ٹی) تے اسٹینو پینل غی تشکیل واسطے اہل امیدواراں تیں درخواست منگی گئی ہیں۔ درخواست گزاراں واسطے جموں کشمیر غو باشندو ہونو ضروری ہے تے اُن غی عمر 21 تیں 50 بہراں غے بشکا رہونی لوڑے۔

این آر ٹی واسطے امیدوار غو کسی تسلیم شدہ یونیورسٹی تیں گریجویٹ ہونو، پہاڑی زبان ور پکڑ مضبوط رکھنوتے نشریات واسطے عمدہ آواز غو ہونو لازمی ہے۔ جد کہ اسٹینو واسطے امیدوار غو کسی تسلیم شدہ تعلیمی بورڈ تیں بارہویں جماعت پاس ہونو، پہاڑی زبان ور مہارت رکھنو اور کمپیوٹر ور پہاڑی زبان مانہہ 25 تیں 40 الفاظ فی منٹ غی ٹائپنگ رفتار ہونو لازمی ہے۔

خواہشمند امیدوار اپنی درخواستاں غی ہارڈ کاپی تمام مطلوبہ دستاویزات غے ہمراہ بیڈ آف نیوز، ریجنل نیوز یونٹ آکاشوانی پنج تیرتھی جموں پن کوڈ نمبر 180001 میں بزات خد اتار 19 جولائی 2026 توڑی جمع کرا سکیں۔

درخواست غی فیس جنرل زمرہ غا امیدواراں واسطے 355 روپیہ جد کہ ایس سی، ایس ٹی تے او بی سی زمرہ غا امیدواراں واسطے 265 روپیہ مقرر کی گئی ہے، جس مانہہ 18 فیصد جی ایس ٹی وی شامل ہے۔ فیس پرسار بھارتی، آل انڈیا ریڈیو جموں غا ایس بی آئی بینک ہری مارکیٹ جموں شاخ غا خاطرہ نمبر 10582387126 جہیڑو ایس بی آئی ہری ما رکیٹ مانہہ ہے اُس مانہہ آن لائن جمع کرا سکیں، جس غو آئی ایف ایس سی کوڈ ہے SBIN0000657

- فیس آدنیگی غی سلف پیاہ سکرین شاٹ غی کاپی درخواست سنگ لانو لازمی ہے جس ورٹرانزکشن آئی ڈی غو لکھیو ہونو لازمی ہے۔ تفصیلی اشتہار تے درخواست فارم آکاشوانی غی ویب سائٹ

[www.newsonair.gov.in](http://www.newsonair.gov.in)

غا سامیاں غا سیکشن مانہہ دستیاب ہے مزید معلومات واسطے امیدوار ان نمبرات ور رابطو کر سکیں۔ یہ نمبر اس طرح ہیں۔ 01912546658 یاہ 9697177241۔

## Weather

محکمہ موسمیات نے جمعہ غے روز یاہ پیش گوئی کی تھی جے جموں کشمیر غی کئی جگہیں آندہ 3 تہاڑاں مانہہ ہلکی تیں درمیانی بارش تے گرج چمک غے نال کجھ جگہیں پہاری بارش غو امکان ہے، تے اس دوران کئی جگہیں سیلاب تے لاس پسیں پین غو خدشو ہے۔ آکاشوانی جموں گا نامہ نگار نے دسیو ہے جے محکمہ موسمیات غی پیش گوئی غے مطابق اج کئی جگہاں ور ہلکی تیں درمیانی بارش تے کجھ جگہیں گرج چمک نال پہاری بارش غو امکان ہے۔ یاہ بارش خاص طور ور بعد دوپہر شام تے دیر رات یاہ سویر غے وقت ہو سکے۔ اس بارے مزید جانکاری دے رہیا ہیں محکمہ موسمیات غا ڈائر یکٹر مختار احمد۔ بانٹ۔۔۔

## Placement Drive- Udhampur

پڑھیا لکھیا نوجواناں واسطے روز گار غا موقع بدھان غا مقصد نال ضلع روز گار تے صلاح مشورہ مرکز ادھم پور نے ایک روز گار مہیا کران غی ایک روزہ مہم غو انعقاد کیو۔ اس تقریب غی سربراہی اسسٹنٹ ڈائریکٹر ایمپلائمنٹ پریکٹس گپتا نے کی۔ انہاں نے روز گار غا خواہشمند نوجواناں نانہہ اس طرح غا اقدام تیں فائدو چان تے روز گار دین آلا نال جڑن غی ترغیب دتی۔ اس مہم مانہہ ضلع غا بکھ بکھ علاقہ تیں تقریباً 12 سو امیدواراں نے شرکت کی۔ بکھ بکھ شعباں غی 5 کمپنیاں نے بکھ بکھ اسامیاں واسطے بکھ بکھ اہلیت آلا نوجواناں غی بھرتی کی۔ آکاشوانی نیوز نال گل کرتاں واں اسسٹنٹ ڈائر

یکٹر ایمپلائمنٹ پرینکا گیتا نے کہیو۔ بانٹ۔۔ جد کہ روز گار غا خواہشمند اجے ورمانے  
کہیو۔ بانٹ۔۔

-----  
اس غے نال ہی خبراں غو یوہ بلیٹن ختم ہوئو۔